

# INUIT ATAQATIGIIT INATSISARTUNI



7. Marts 2022

Inatsisartut Suleriaasianni § 37, imm. 1 naapertorlugu, apeqqut imaattoq Naalakkersuisunut saqqummiuppara:

## **Naalakkersuisunut apeqqut:**

**1. Namminersorlutik Oqartussani periusissiamik Namminersorlutik Oqartussat peqqinnissamik ilinniagalinnik "allaffissornikkut" atorfinnut atorfinitsitsisarunnaarnerannik kinguneqartumik aalajangiussisimanerat Naalakkersuisut uppersarsinnaavaat?**

**a. Aappiuppat, suna tungavigineqarpa?**

**b. Aappiuppat, periuseq taanna Naalakkersuisut attatiinnassallugu kissaatigivaat?**

(Inatsisartunut ilaasortaq Asii Chemnitz Narup, Inuit Ataqatigiit)

## **Tungavilersuut:**

Periusissiaq taamaattoq – taamaattumik peqartoqarsimappat – apeqqutigissallugu naapertuuppoq. Sulisut peqqinnissakkut ilinniagaqartut napparsimavinni sulinerminni peqqinnissamut tungasunik misilittagaat, allaffissornikkut sulinermi misilittakkanik pitsaasunik pissarsiffiusassaaq. Klinisk psykologi assersuutitut tigiartigu – pineqartup inuusuttunik navianartorsiortunik katsorsaanermini misilittagai, pineqartup assersuutigalugu imminut toquttarnermut pinaveersaartitsinermit periusissianik suliaqarnermut pitsaanerulersitsissaaq. Assersuutit allat tassaasinnaapput juumuut peqqissaasullu naartusuni, ernisunik ilaqutariinnilu mikisunik meerartalinni toqqaannartumik peqqinnissaq pillugu suliaqarnermut misilittagallit. Taakku uppersarsaasikkanik toqqammavilinnik ilisimasaat suliniuteqajaarnernut malitassianik suliaqarnermi ineriartortitsinermilu kuultitut nalitutigisussaapput.

# INUIT ATAQATIGIIT INATSIARTUNI



Ilinniagaqarfinni amerlasuuni periusissiat, ilitsersuutit malitassiallu amerliartuinnartut suliarineqartarput. Taamaattut sulianik ingerlatsisimanernik misilittakkanik aallaaveqarnerat allaffissornikkut sulinermik nukittunerulersitsiinnartussaavoq.

Akissutissat qilanaaraakka.

Apeqqutima ullut suliffiusut qulit ingerlaneranni akineqarnissaat kissaatigaara.